

Jačanje napora u oduzimanju imovinske koristi pribavljene krivičnim djelom u državama članicama OSCE-a

Borba protiv transnacionalnog organiziranog kriminala i korupcije kroz oduzimanjem nezakonito stečene imovine



Jačanje napora u oduzimanju imovinske koristi pribavljene krivičnim djelom u državama članicama OSCE-a

Borba protiv transnacionalnog organiziranog kriminala i korupcije kroz oduzimanjem nezakonito stečene imovine

Ovaj projekt koji se financira iz donatorskih sredstava ima za cilj da, u okviru aktivnosti OSCE-a u borbi protiv transnacionalnog organiziranog kriminala i korupcije, pruži podršku državama članicama u pronalaženju, privremenom i trajnom oduzimanju i ponovnom korištenju nezakonito stečene imovine. Projekt, planiran za period od 2022. do 2025. godine, provode Odjel za transnacionalne prijetnje OSCE-a i Ured koordinatora OSCE-ovih ekonomskih i okolišnih aktivnosti.

Kontekst

Transnacionalni organizirani kriminal i korupcija ugrožavaju socioekonomski razvoj, opću sigurnost i vladavinu prava u državama članicama OSCE-a i šire. Motivisane sticanjem finansijske dobiti, organizirane kriminalne grupe koriste korupciju kao sredstvo za vršenje uticaja i ulazak u poslovne i državne strukture. Oduzimanje imovine je dokazani način ometanja i razbijanja ovih grupa. Proces pronalaženja, privremenog i trajnog oduzimanja nezakonito stečene imovine onemogućava organiziranim kriminalnim grupama dalje vršenje krivičnih djela i efektivno prekida krug kriminala i korupcije.

Ovaj projekt se zasniva na rezultatima ranije provedenog projekta OSCE-a pod nazivom: Jačanje borbe protiv transnacionalnog organiziranog kriminala u Jugoistočnoj Evropi kroz unapređenu regionalnu saradnju u oblasti privremenog i trajnog oduzimanja imovine stečene krivičnim djelom, i njenoj ponovnoj društvenoj upotrebi. Projekt je implementirao Odjel za transnacionalne prijetnje OSCE-a i Ured koordinatora

OSCE-ovih ekonomskih i okolišnih aktivnosti u periodu od 2019. do 2023. godine. Projektom aktivnostima podržane su Albanija, Bosna i Hercegovina, Crna Gora, Sjeverna Makedonija i Srbija jačanjem kapaciteta za oduzimanje i upravljanje imovinom.

Aktivnosti predviđene za period između 2022. i 2025. godine podržavaju iste države učesnice u jačanju mehanizma oduzimanja i upravljanja oduzetom imovinom te proširuje obim podrške na Moldaviju i Ukrajinu.

Pregled projekta

Projekt se bavi nedostacima i potrebama uključenih država učesnica u oblasti oduzimanja i upravljanja oduzetom imovinom. To uključuje:

- 1 Identifikaciju, pronalaženje, privremeno i trajno oduzimanje imovine;
- 2 Upravljanje oduzetom imovinom;
- 3 Ponovnu društvenu upotrebu oduzete imovine.

Korisnici:

Primarni korisnici projekta su praktičari iz oblasti policijskog djelovanja i pravosudnog sektora, kao što su pripadnici relevantnih policijskih jedinica, sudije i tužioci. Projekt saraduje i sa agencijama za upravljanje oduzetom imovinom i organizacijama civilnog društva na promoviranje efi-

kasnog upravljanja oduzetom imovinom i njene ponovne upotrebe u društvene svrhe, kao što su trgovine, restorani i društveni prostori. Projekt stavlja poseban naglasak na poticanje prekograničnih aktivnosti kroz regionalnu saradnju i razmjenu iskustava i dobre prakse.

Očekivani rezultati:

1 Unaprijeđeni kapaciteti praktičara iz krivičnopravne oblasti u vezi sa sistemskim utvrđivanjem nezakonito stečene imovine i provođenjem mjera privremenog i trajnog oduzimanja kroz pružanje podrške izgradnji kapaciteta i postupanja u konkretnim aspektima oduzimanja i upravljanja oduzetom imovinom, prilagođene potrebama svake od država učesnica. Projekt će posebnu pažnju posvetiti jačanju kapaciteta sudija.

2 Unaprijeđena neformalna prekogranična razmjena informacija o predmetima organiziranog kriminala kroz pružanje operativne podrške jedinoj postojećoj neformalnoj mreži agencija za upravljanje oduzetom imovinom - Balkanskoj međuagencijskoj mreži za upravljanje oduzetom imovinom (BAMIN) te Stalnoj konferenciji tužilaca za organizirani kriminal.

3 Promovirana i primijenjena ponovna društvena upotreba oduzete imovine kroz pružanjem podrške konkretnim projektima iz te oblasti.

Partneri:

Projekt se provodi u bliskoj saradnji sa misijama OSCE-a, kao i vladinim i neprofitnim subjektima u zemljama korisnicima i drugim državama članicama, kako bi se osiguralo vlasništvo nad rezultatima i njihova održivost.

Donatori:

Projekt finansijski podržavaju Austrija, Njemačka, Italija i Sjedinjene Američke Države.



Doprinos ostvarivanju ciljeva održivog razvoja:
Cilj 16.: Mir, pravda i snažne institucije

